

**ხელშეკრულება № 32**  
**დაფინანსების წყარო – 2022 წლის სახელმწიფო ბიუჯეტი**  
**გამარტივებული შესყიდვა**

ქ. თბილისი

22 ივლისი 2022 წ.

„სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის და 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესის“ მე-2 მუხლის „ა“ ქვეპუნქტის საფუძველზე ვდებთ წინამდებარე სახელმწიფო შესყიდვების ხელშეკრულებას შემდეგზე:

**ხელშეკრულების დამდები მხარეები:**

**ერთის მხრივ:** საჯარო სამართლის იურიდიული პირი - **სსიპ ბაზარზე ზედამხედველობის სააგენტო** (შემდგომში „შემსყიდველი“), წარმოდგენილი უფროსის მოვალეობის შემსრულებლის რამაზ ობოლადის მიერ, მისამართი: ქ. თბილისი, ანა პოლიტკოვსკაიას ქ. №8. საიდენტიფიკაციო კოდი: 205390833; საბანკო რეკვიზიტები: სახელმწიფო ხაზინა, მიმღები ბანკი-ხაზინის ერთიანი ანგარიში, სახაზინო კოდი №TRESGE22.

**მორეს მხრივ:** **შპს დეგა პრინტი** (შემდგომში „მიმწოდებელი“) წარმოდგენილი მისი დირექტორის ლაშა სოხაძის მიერ, მისამართი: ქ. თბილისი, ვირსალაძის ქ. #8; საიდენტიფიკაციო კოდი: 204444477; საბანკო რეკვიზიტები: სს თბილისი ბანკი, TBCBGE22 ანგარიშის ნომერი GE41TB0600000101467543.

**1. ხელშეკრულების საგანი**

1.1. **სტიკერების სახელმწიფო შესყიდვა** დანართი N1-ის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

**2. ხელშეკრულების ღირებულება**

2.1. შესყიდვის ობიექტის ჯამური ღირებულება შეადგენს **354.00 (სამას ორმოცდათოთხმეტი) ლარს (CPV22459100)**.

2.2. ხელშეკრულების ფასი შეიცავს მიმწოდებლის ყველა ხარჯს, დაკავშირებულს საქონლის მიწოდებასა და შემსყიდველისათვის საკუთრებაში გადაცემასთან, ასევე კანონმდებლობით დადგენილ ყველა გადასახადს.

**3. საქონლის მიწოდების ვადები და პირობები**

3.1. საქონლის მიწოდება უნდა განხორციელდეს შემსყიდველის მოთხოვნიდან (და სტიკერზე დასატანი ინფორმაციის გადაცემიდან) 5 სამუშაო დღის განმავლობაში, შემდეგ მისამართზე: ქ. თბილისი, ვირსალაძის ქ. #8.

3.2. საქონლის მიწოდების პარალელურად მიმწოდებელი უზრუნველყოფს თანმხლები დოკუმენტაციის წარმოდგენას კანონმდებლობით გათვალისწინებულ შემთხვევებში.

**4. შესყიდვის ობიექტის ხარისხი**

4.1. მიმწოდებელი იძლევა გარანტიას, რომ მიწოდებული საქონლის ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

**5. შესყიდვის ობიექტის მიღება-ჩაბარების წესი**

5.1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

5.2. ხელშეკრულებით გათვალისწინებული მიღება-ჩაბარების აქტის გაფორმებაზე პასუხისმგებელ პირს წარმოადგენს სსიპ „ბაზარზე ზედამხედველობის სააგენტოს“ ადმინისტრირებისა და ინფორმაციული უზრუნველყოფის დეპარტამენტის შესყიდვების სპეციალისტი სოფიო ბარბაქაძე.

**6. ანგარიშსწორების ფორმა**

6.1. მიწოდებული შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

6.2. შემსყიდველი ვალდებულია მოახდინოს ანგარიშსწორება მიმწოდებელთან ამ უკანასკნელის მიერ საქონლის მიწოდებისა და აღნიშნულის თაობაზე მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღისა.

6.3. მიღება-ჩაბარების აქტის გაფორმებასთან ერთად, მიმწოდებელი ვალდებულია წარუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია; წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

## 7. მხარეთა უფლება-მოვალეობანი

### 7.1. შემსყიდველი ვალდებულია:

7.1.1. უზრუნველყოს მისთვის გადაცემული საქონლის შესაბამისი ანაზღაურების გადახდა მიმწოდებლისათვის წინამდებარე ხელშეკრულების პირობათა სრული დაცვით.

7.1.2. წერილობითი ფორმით, დაუყოვნებლივ აცნობოს მიმწოდებელს საქონლის შემოწმების დროს აღმოჩენილი რაიმე წუნის შესახებ.

7.1.3. დაიცვას ხელშეკრულებით გათვალისწინებული პირობები.

### 7.2. შემსყიდველი უფლებამოსილია:

7.2.1. მიმწოდებლისაგან მოითხოვოს უფლებრივად და ნივთობრივად უნაკლო საქონლის ხელშეკრულებით დადგენილი ოდენობით და ვადაში მიღება.

7.2.2. მიმწოდებლის მიერ ხელშეკრულებით გათვალისწინებული პირობათა შეუსრულებლობის შემთხვევაში, შეწყვიტოს ხელშეკრულება.

7.2.3. მიმწოდებლისაგან მოითხოვოს საქონლის გადაცემის შესახებ დადგენილი ფორმის მიღება-ჩაბარების აქტის გაფორმება.

7.2.4. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.

### 7.3. მიმწოდებელი ვალდებულია:

7.3.1. საკუთარი ხარჯებით უზრუნველყოს იმ სამუშაო ფაილის მომზადება, რომლითაც უნდა მოხდეს ბეჭდვა (შემსყიდველის მიერ მიწოდებული ინფორმაციის საფუძველზე). აღნიშნული სამუშაო ფაილის საბოლოო სახე ბეჭდვამდე უნდა იქნას შეთანხმებული შემსყიდველთან.

7.3.2. განიხილოს შემსყიდველის შენიშვნები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს საკუთარი სახსრებით აღმოჩენილი ხარვეზის გამოსწორება.

7.3.3. ხელშეკრულებით დადგენილ ვადაში, ხელშეკრულებით დადგენილი ოდენობით და ღირებულებით მიაწოდოს უფლებრივად და ნივთობრივად უნაკლო საქონელი.

7.3.4. ხელშეკრულების მოქმედების პერიოდში, შემსყიდველს წარუდგინოს საქონელთან დაკავშირებული ნებისმიერი სახის ინფორმაცია და დოკუმენტები.

7.3.5. საკუთარი ხარჯებით უზრუნველყოს შემსყიდველის მიერ გამოვლენილი, საქონლის მდგომარეობასთან დაკავშირებული ყველა ნაკლის აღმოფხვრა.

7.3.6. დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობის ან/და ხელისშემშლელ დაბრკოლებათა შესახებ.

7.3.7. დაიცვას ხელშეკრულებით გათვალისწინებული ყველა პირობა.

7.3.8. ხელშეკრულებიდან გამომდინარე, გადაიხადოს საქართველოს კანონმდებლობით გათვალისწინებული გადასახადები.

### 7.4. მიმწოდებელი უფლებამოსილია:

7.4.1. შემსყიდველისაგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

7.4.2. მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად.

## 8. ინსპექტირება

8.1. შემსყიდველი უფლებამოსილია საქონლის მიწოდების პარალელურად მოახდინოს მიწოდებული საქონლის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული საქონლის რაოდენობისა და წუნდების მიზეზების მითითებით.

8.3. ინსპექტირებას განახორციელებს სსიპ „ბაზარზე ზედამხედველობის სააგენტოს“ სამომხმარებლო პროდუქტებზე ზედამხედველობის დეპარტამენტის უფროსი ნიკო ფილფანი ან მისი მოვალეობის შემსრულებელი.

## 9. ფასები და ხელშეკრულების გადასინჯვის შესაძლებლობები

9.1. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.2. ხელშეკრულებით ღირებულებითი პარამეტრების შეცვლა ხელშეკრულების მოქმედების პერიოდში დასაშვებია მხარეთა მიერ წერილობითი შეთანხმების საფუძველზე.

### **10. ხელშეკრულებაში ცვლილებების შეტანა**

10.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

### **11. ხელშეკრულების შესრულების შეფერხება**

11.1. ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ, ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ; ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

11.2. იმ შემთხვევაში, თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, გადაწყვეტილება უნდა გაფორმდეს ხელშეკრულებაში ცვლილებების შეტანით.

### **12. ფორს-მაჟორული სიტუაცია**

12.1. მხარეები თავისუფლდებიან პასუხისმგებლობისაგან დაკისრებულ მოვალეობათა ნაწილობრივ ან სრულად შესრულებლობისათვის დაუძლეველი ძალის ზემოქმედებით გამოწვეული გარემოებების შემთხვევაში.

12.2. ფორს-მაჟორული გარემოებების დადგომის შემთხვევაში, მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ წერილობით უნდა აცნობოს მეორე მხარეს ამის შესახებ.

12.3. მხარე არ თავისუფლდება პასუხისმგებლობისაგან, თუ კი ფორს-მაჟორული გარემოების დადგომამდე გონივრულ ვადაში შესაძლებელი იყო ნაკისრ ვალდებულებათა შესრულება.

### **13. დავები და მათი გადაწყვეტის წესი**

13.1. ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა გადაწყდება ურთიერთმოლაპარაკების გზით.

13.2. შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

### **14. ხელშეკრულების პირობების შეუსრულებლობა**

14.1. ამ ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულების შემთხვევაში, მხარეები პასუხს აგებენ საქართველოს კანონმდებლობით, ამ ხელშეკრულებით გათვალისწინებული პირობებით და წესით. თითოეული მხარე ვალდებულია მეორე მხარეს აუნაზღაუროს ვალდებულებების შეუსრულებლობით გამოწვეული ნებისმიერი პირდაპირი თუ არაპირდაპირი ზიანი.

14.2. მიმწოდებელის მიერ ნაკისრი ვალდებულების დროულად შეუსრულებლობის, ან არაჯეროვნად შესრულების შემთხვევაში, შემსყიდველს უფლება აქვს დააკისროს პირგასამტეხლო ხელშეკრულების ღრებულების 0.2%-ის ოდენობით ყოველ ვადაგადაცილებულ დღეზე.

14.3. შემსყიდველის მიერ ფინანსური ვალდებულების დროულად შეუსრულებლობის, ან არაჯეროვნად შესრულების შემთხვევაში, მიმწოდებელს უფლება აქვს დააკისროს პირგასამტეხლო გადაუხდელი თანხის 0.2%-ის ოდენობით ყოველ ვადაგადაცილებულ დღეზე.

14.4. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს შეწყვიტოს ხელშეკრულება.

14.5. საჯარიმო თანხის გადახდა უნდა მოხდეს ვალდებულების შეუსრულებლობის მომენტიდან არაუმეტეს 10 (ათი) კალენდარული დღის ვადაში.

14.6. საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

14.7. მიმწოდებლის მიერ ხელშეკრულებით ნაკისრი ვალდებულების არაჯეროვნად ან შეუსრულებლობის შემთხვევაში აღნიშნული ეცნობება სახელმწიფო შესყიდვების სააგენტოს შემდგომი რეაგირებისათვის.

### **15. ხელშეკრულების მოქმედების შეწყვეტა**

15.1. ეს ხელშეკრულება შეიძლება შეწყდეს მხარეთა შეთანხმებით, ან ერთ-ერთი მხარის მიერ ამ ხელშეკრულების პირობების დარღვევის შემთხვევაში. ხელშეკრულების ცალმხრივი შეწყვეტა მხარის მიერ ხდება გაგზავნილი წერილობითი შეტყობინების გზით, სადაც მითითებული იქნება შეწყვეტის საფუძველი. თუ პასუხი შეტყობინებაზე არ არის მიღებული 3 (სამი) დღეში (შეტყობინების გაგზავნის დღიდან ან ადრესატის მიერ შეტყობინების მიღების სავარაუდო დღიდან) მაშინ ამ ვადის დამთავრების შემდეგ ხელშეკრულება შეწყვეტილად ითვლება.

15.2. ხელშეკრულების ცალკეული პირობების მოქმედების შეწყვეტა ან ბათილად ცნობა არ ათავისუფლებს მხარეებს დანარჩენი ვალდებულებების შესრულებისაგან.

### **16. ხელშეკრულების მოქმედების ვადა**

16.1. ხელშეკრულება ძალაში შედის მხარეთა მიერ ხელმოწერის (გაფორმების) დღიდან და მოქმედებს **2022 წლის 30 ნოემბრის ჩათვლით**.

### **17. სხვა პირობები**

17.1. მხარეები ხელშეკრულებაზე ხელმოწერით ადასტურებენ, რომ აღნიშნული შესყიდვის განხორციელებაში მათი მონაწილეობა არ იწვევს ინტერესთა კონფლიქტს.

17.2. ხელშეკრულების მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

### **18. მხარეთა ხელმოწერა**

#### **შემსყიდველი**

სსიპ - ბაზარზე ზედამხედველობის  
სააგენტო

უფროსის მოვალეობის შემსრულებელი

**რამაზ ობოლაძე**

#### **მიმწოდებელი**

შპს დეგა პრინტი  
დირექტორი

**ლაშა სოხაძე**

დასახელება	ტექნიკური მახასიათებლები	განზომილება	რაოდენობა (ცალი)	ერთეულის ფასი (ლარი)	საერთო ფასი (ლარი)
სტიკერი	<p>ბლანკი პოლიეთილენის პაკეტზე გარედან დასატანად; ზომა: ა4, თეთრი ფერის, ბეჭდვა: ლოგო 3 ფერში, დანარჩენი ტექსტი შავი.</p> <p>შეუძლებელი უნდა იყოს ბლანკის შევსების შემდეგ მასზე კალმით დატანილი ინფორმაციის წაშლა.</p> <p>სტიკერი უნდა ეკვროდეს მყარად, პოლიეთილენის პაკეტზე დაწებების შემდეგ შეუძლებელი უნდა იყოს მისი დაუზიანებლად აძრობა.</p>	ცალი	300	1.18	354.00
<b>ჯამი:</b>					<b>354.00 ლარი</b>

**შემსყიდველი**

სსიპ - ბაზარზე ზედამხედველობის  
სააგენტო

უფროსის მოვალეობის შემსრულებელი

**რამაზ ობოლაძე**

**მიმწოდებელი**

შპს დეგა პრინტი  
დირექტორი

**ლაშა სოხაძე**